



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1845

CCCLXV. Baltzer von Itzenplitz nimmt einige Hebungen zu Grieben vom
Domstifte zu Stendal zu Lehn, im J. 1471.

[urn:nbn:de:hbz:466:1-54414](#)

Curd van Runtorppe, wonafflich tho hyndenborch, hans vnde diderick brodere wonafflich tho yden, rechtis kopes vorkofft hebbe — hern Johan brunow vicario der kerken Sente Nicolaus vnde levin brunow, wonafflich tho Stendall, vnde de dessen bryff myt orer twyer wille heft, vyff firdingh pennynge Stendalischer weringhe Jarlike renthen auer dy twe houe tho yden, nomelik auer Claws molres hoff vnd huuen met aller thobehoringhe **XXV** fsl. vnde auer Jaspers des scroders hoff vnd huuen met aller thobehoringhe ok **XXV** fsl., de nu tor tyd bewanen bodyruen vnd in bruukynghe hebben vnde bositten dy vorbenomden Clawes vnd Jasper vnd alle ore Nakamelinghe, vor druttich gude Rinsche gulden etc. — Nah der bort christi vnsis hern dufent vyrhundert vnd in deme eyn vnde fouentigsten Jare, des sondages na funte Bartholomeus daghe des hilghen apostels.

CCCLXV. Balzer von Iphenysiz nimmt einige Hebungen zu Grieben vom Domstifte zu Stendal zu Lehn, im J. 1471.

Ick balcer von Nitzenplitz, wonhaftich to griben, Bekenne — dat ick recht vnd redeliken vnd myt fryen willen myner frunde vnd myner menliken rechten lehneruen gekofft hebbe to lehne von den werdigen vnde Erhaftigen heren, dem Praueste, deken vnde gantze Capitel der kerken sancti nicolai to stendal einen wispel rogghen jn Matthys vcltorpen haue darfulues do griben belegen, dy dem altare sancti michaelis in dersuluen kerken sancti nycolai voreygent is, dar jk den obgnanten heren wol tor nughe vor gegeuen hebbe sosteyn margk stendelscher werunge: vnde sodann wispel karns schal ick vnd myne rechte menlike lehneruen van den erschreuen heren vnd van anders nymande to lene entphangen — . Nha cristi vnses heren bordt dufent virhundert dar nha jm ein vnd souentichsten Jare.

CCCLXVI. Ritter Busse von Alvensleben quittirt das Domstift zu Stendal, Hans von Lüderiz und Berthold von Borstel wegen Entrichtung des landesherrlichen Schusses, am 24. Dezember 1472.

Ick Busse van aluensleue Ritter, Bekenne — dat mik de werdigen hern ern nicolaus goffstich domprauest vnd ern Simon rosenwinkel domhere to Stendal vnd de duchtigen hans van luderitz de older vnd Bartold van Borstel van dem Innemende des grossen schotes, So alsee see vnd ick dat van mines gnedigen hern marggrauen albrechtes van brandenborgh etc. wegenn hebbenn, bynnen der Stad Stendal uppgenamen vnd tor nuge vnd willen van des gnanten mines gnedigen hern wegenn hebbenn gegeuen vornoget vnd betalt veftheinhalff hundert rinsche gulden an golde vnd an gelde: vnd ick segge em sodan **XVI** hundert rinsche gulden qwith frig ledlich vnd los in craft vnd macht dusses breues. Dusses to orkunde hebbe ick min Ingsegel an dussen bref benedden propter spatium witliken laten drucken, de gegeuen vnd gescreuen iſs na cristi vnses hern gebort **XIII** hundert iar darna in dem LXXIIten Jare, am Auende nativitatis cristi.
